

# Powšitkowne WOZJEWJENJA

njedźelu, 16. decembra 2012

## Přiležnosć k swjatej spowědźi w Róžeńće

<b>wutoru, 18. decembra</b> 18.30 - 19.30 hodź.	farar B. Šořta, farar M. Anders, farar G. Nawka, farar B. Jakubaš
<b>pjatk, 21. decembra</b> 17.30 - 18.25 hodź.	farar H. Morawietz, farar B. Šořta, farar G. Wornar, farar B. Jakubaš
<b>sobotu, 22. decembra</b> 17.00 - 18.00 hodź.	kanonik Š. Delan, farar B. Šořta, farar M. Anders, farar B. Jakubaš

## „Róžant, městno tróšta, trjeba tróšt a pomoc“

Ralbičanska wosadna rada přeprošuje wšitkich česćowarjow maćerje Božje Róžeńčanskeje pjatk, 21. decembra, w 19.30 hodź. (po wječornych kemšach) do Ralbic na „Radlubin“. Tema wječorka je „Róžant, městno tróšta, trjeba tróšt a pomoc“.

## Poswjećenje noweho wopomnišća za zbóžneho martrarja Alojsa Andrickeho w Radworju

Emeritowany swjećacy biskop Jurij Weinhold poswjeći srjedu, na swjedženju swjateho martrarja Šćěpana, 26. decembra, w 16 hodź. nowe wopomnišćo za zbóžneho martrarja Alojsa Andrickeho w Radworskej cyrkwi. Wšitcy z bliska a daloka su wutrobnje do Radworja přeprošeni.

## Kubłanske dny studentow

Kubłanske dny studentow přewjedu so lětsa wot štwórtka, 27. decembra, do soboty, 29. decembra, w pólskim Opolu. Štóž ma zajim, njech so hač do třećeje adwentneje njedźele, 16. decembra, pola fararja Gabřiša Nawki w Pančicach-Kukowje pod telefonowym čisłom (03 57 96) 9 62 65 přizjewi.

## Oratorij „Zyma“ zaklinči w Njebjelčicach

Chór a orchester Serbskeho ludoweho ansambla (SLA), Radworski chór Meja kaž tež solisća pod nawodom Gabriela Doná předstaja sobotu, 29. decembra, w 16 hodź. oratorij „Zyma“ w Njebjelčanskej cyrkwi. Tuta twórba je posledni džěl cyklusa „Počasy“ z pjera Handrija Zejlerja a Korle Awgusta Kocora. „Zyma“ zaklinči, kaž hižo loni w Radworju, po instrumentalnym wobdźělanju Christiana Kabitza. Solistiske džěle přewozmu Elmira Jakina, Tanja Donatec, Peter Diepschlag a Ferdinand Liebenberg. Za wudawki koncerta přewjedže so při durjach zběrka. Wšitcy z bliska a daloka su wutrobnje přeprošeni.

## Hodowny nyšpor

Chór Lipa wuhotuje njedźelu, 30. hodownika, w 17 hodź. w Róžeńčanskej cyrkwi swój tradicionelny beneficny nyšpor. Zaklinča mjez druhim nowe serbske, česke a laćonske chórowe kaž tež instrumentalne twórby. Zběrka při durjach budže za hnadownu cyrkej. Wšitcy lubowarjo hodownych zynkow su lubje přeprošeni.

## **Meditaciski koncert silwester w Baćonju**

Z hudźbu a spěwom, z modlenjom a rozpominanjom chcemy lěto Knjezowe 2012 w zmysle „Wšo w Božim mjenje spočinam, a w Božim mjenje dočinjam“ zakončić. K tomu přeprošujemy wšitkich wutrobnje na meditaciski koncert póndzelu, 31. hodownika, w 19 hodž. do Baćońskeje cyrkwe. Hudźbne wuhotowanje stej zaso Hanka a Weronika Smolic přewzałoj. Baćońska wosada

## **Koparski turněr wo pokal TCM**

Towarstwo Cyrila a Metoda z.t. (TCM) zarjaduje sobotu, 5. januara, w 13 hodž. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny. Kóždy mustwo měło z wosom hrajerjemi nastupić. Hrać budže so z třomi koparjami a jednym wrotarjom. Přizjewić měli so mustwa hač do soboty, 29. decembra, pola předsydy TCM, Jurja Špitanka, telefonowe čisło (03 57 96) 9 63 47.

## **Hodownej koncertaj w Radworju**

Swój tradicionelny hodowny koncert wuhotuje chór Meja sobotu, 5. januara, dwójce w Radworskim hosćencu „Meja“. Nadrobnosće wozjewja so za tydžeń.

## **Pytaja młodžinskeho referenta**

Za dekanatne dušepastyrstwo młodžiny we Worklecach ma so 1. februara referent respektiwne referentka ze socialnopedagogiskej abo teologiskej kwalifikaciju přistajić. Wuměńjenja su kompjuterowe znajomosće, wobknježenje serbskeje rěče a přezjednosć z nadawkom, službu a žiwjenjom katolskeje cyrkwe. Džělowe městno je w Don Boskowym domje we Worklecach. Zrěčenje je na dwě lěće wobmjezowane.

Džělowy wobłuk wobsahuje podpěru katolskeho młodžinskeho dušepastyrstwa a młodžinskeho džěla w Budyskim wobłuku, podpěru katolskeho wotewrjeneho młodžinskeho džěla tuteje kónčiny, džělo z kružkom pomocnikow, z druhimi čestnohamtskimi skupinami a katolskimi młodžinskimi zwjazkami kónčiny, zastupnistwo katolskeje młodžiny we wšelakich zjawnych gremijach a rjadowanje financow.

Pisomne požadanja přijimuje hač do wutory, 15. januara, biskopski ordinariat, wotrad młodžinska pastoralka, Käthe-Kollwitz-Ufer 84, 01309 Drježdžany abo z mailku na [jugendseelsorge@ordinariat-dresden.de](mailto:jugendseelsorge@ordinariat-dresden.de).

## **Kubłanske dny w Schmiedebergu**

„Přichod je wěsty.“ Takle rěka tema kubłanskich dnjow wot pjatka do njedzele, 4. do 6. januara 2013, w Schmiedebergu, na kotrež su serbscy młodostni wutrobnje přeprošeni. Přizjewić měli so hač do štwórtka, 20. decembra, w Don Boskowym domje we Worklecach, telefonowe čisło (03 57 96) 9 55 95.

## **Na swětowe zetkanje do Rio de Janeira**

Hišće hač do 15. januara 2013 móža so młodostni, kotřich chcedža so na klětuše swětowe zetkanje młodžiny do Brazilskeje podać, přizjewić. Serbscy młodostni móža so w skupinje Drježdžansko-Mišnjanskeho biskopstwa wobdžělić. Wona wotleći 14. julija a wróci so 30. julija. Nadrobnije informacije su pod [www.kathjusa.de/wjt2013](http://www.kathjusa.de/wjt2013) wozjewjene. Swětowe zetkanje młodžiny wotměje so w Rio de Janeiru.